

自叙

都邑志書始於唐李吉甫元和郡縣志宋樂史太平寰宇記元明以後踵事增華漸蕪濫矣故明范理因之有天台要覽之作謝肇浙有滇略之編降及有清夸飾之風益熾刪訂之書較前尤多雅德山西志輯要王志沂陝西志輯要盧坤秦疆治略吳長民宸垣識略李應珏浙志便覽其著者也臨邑之志以周祭酒玉成化志爲濫觴後歷嘉靖康熙乾隆嘉慶咸豐同治以迄光緒迭加修輯卒鮮善本閱者憾焉丙辰夏孟陸君翰文宗兄仲霖過予西子湖上廡舍見予所編台州經籍志作而言曰臨邑舊志年久失修學校章程復有鄉土地理之規定君諳習梓里掌故曷勿纂輯以詔學者予感其言因撥冗撥管探索邑內漢魏以來風土人文切于身心日用者刪繁擷要考古証今總爲要覽一卷非敢云披蓁採蘭無美不蒐然嘗鼎一臠窺豹一斑於敬桑恭梓登高行遠之助或不無裨益焉溽暑困人書此以復翰文仲霖并識之簡端希吾鄉博雅君子

臨海要覽

杭州武林印館代印

匡正是幸丙辰仲夏石槎項元勛自識

目錄

沿革

城郭

河流

海防

名勝

鄉都

道路

釐稅

工業

學校

名宦

疆域

山脈

水利

形勢

古蹟

市鎮

田賦

物產

珍寶

風俗

厲賢

臨海要覽

孝義

經學

道學

諸子

詩家

仕績

史學

宗教

文學

列女

# 臨海要覽

臨海項元勛士元編

沿革

臨海因台郡東北有臨海山而名。禹貢揚州之域。春秋時屬東夷。戰國時越地。秦屬閩中郡。漢初屬東甌國。始元二年。置回浦縣。屬會稽郡。爲南部都尉治。後漢改曰章安。爲東部都尉治。三國吳太平二年。析章安置臨海縣。爲臨海郡治。尋徙郡治章安。以縣屬焉。昔宋齊梁因之。陳省人章安。隋開皇九年。平陳郡。廢改章安爲臨海縣。屬處州。十一年。移縣治於大固山。臨海鎮。十二年。屬括州。大業三年。屬永嘉郡。義寧二年。沈法興於縣置海州。唐武德四年。改曰台州。爲州治。五代及宋因之。元至元十四年。爲台州路治。明洪武初。爲台州府治。清因之。民國廢除府制。縣分三等。臨海稱一等焉。

疆域

## 臨海要覽

杭州武林印書館代印

臨海爲台首邑。負山瀕海。縱廣一百一十五里。橫二百四十里。東一百八十里。牛頭山入海。西七十里。黃沙嶺入仙居縣。南四十五里。黃土嶺入黃巖縣。北六十五里。杜潭入天台縣。東南一百二十六里。海門山入海。西南五十里。括蒼山連燈壇山入仙居縣。東北五十五里。桐巖嶺入寧海縣。西北六十伍里。黃振嶺入天台縣。

城郭

城周一十八里。舊有七門。鎮寧興善崇和括蒼今存五。括蒼豐泰已塞唐杜伏威建。宋太衍平興國三年。吳越歸國。隳其城。後再築。慶歷五年。海溢城壞。部使田瑜以聞。命太常博士彭思永攝州事。與縣令范仲溫從事蘇夢齡等重新之。嗣後元守絳孫守礪徐守億迭加修葺。熙寧四年。錢守暄濬湖築堤。厥功尤偉。乾道間。尤守表際風雨飄搖。極力捍禦。城屋得全。亦盛事也。元明以降。修之者屢。其與有勞者。順康之役。推胡觀察右。張太守聯元。洪明經熙揆。同光之役。推劉太守璩。

宣統三年。洪水爲災。西南一隅。隨而坍塌。近幸當道撥款重修。金湯仍得無恙矣。

山脉

台山之名。始于興公之賦。其脉發自東陽之大盆山。或謂發自南紀。祖於崑崙。皆荒遠也。大盆山分兩支。一走越中。一走天台。臨海之山。天台之東南分脈也。稱著者。城內有顧龍一名大回。巾子。郭外有靖江。少兩。蓋竹。白鶴。真隱。龍符。牛頭。芙蓉。東掖。樓石。新婦。石鼓。玉峴。金鰲。合旗。東刊。白楓。雲峯。仙巖等。或仙靈窟宅。或騷客留題。或形勢險要。有資攻守。或賢聖過化。有關觀感。豈但以卷然之阜。塊然之壑。供人鋪說悅目而已。

河流

臨邑川流錯綜。脈經綺交。最長者曰靈江。源出仙居西南之界烏嶺。東北流過仙居縣治南。又東流過臨海縣治西南。又折而東南流入海。江南帶韋巷溪。西

臨海要覽

杭州武林印書館代印

溪南溪朱溪。義成溪。大橫溪。諸水。北帶金坑水。大陳坑水。櫟溪。白水溪。始豐溪。潮滌溪。諸水。諸水中。北以始豐溪爲大。南以大橫溪爲大。始豐溪亦爲靈江北源。出天台西境之大盆山。東北流折而南流。與南源永安溪合焉。其所帶者。又有周坑水。清溪。螺溪。倒溪。諸小水。大橫溪出黃巖西境之大寺基岡。東流爲永寧江。又東北流與椒江合焉。其所帶者。又有黃巖溪。烏巖溪。小坑溪。沙埠溪。諸小水。至於桃渚港。桐港。花橋港。特其小者耳。

水利

臨邑山巒叢雜。西北二鄉。地多磽瘠。東南鄉頗稱沃衍。然水利未興。旱潦堪虞。其關係之尤重者。東鄉推大田港。南鄉推義城溪。西鄉推芳溪。海鄉推杜清。大田港發源桐巖嶺。義城溪發源義城嶺。芳溪發源大南山。西麓。皆泉流曲折。有資灌溉。杜清廣袤僅二三里。海水漲入。溉田亦不下百餘頃。惜近多污塞。蓄洩不盡宜耳。此外河塘湖沼。潭井。堰閘之屬。星羅棋布。難更僕數。著者則趙公河。

在東門東湖。破石湖。歸溪。惡溪。赤頰潭。筋竹潭。忠孝泉。玉泉。康濟泉。楓山泉。二十八宿井而已。

### 海防

臨邑海防。海門最爲衝要。其地北距石浦海程一百七十里。南距溫州口黃華關二百六十里。西北距縣治一百里。西南距黃岩縣五十里。口外水寬而淺。深僅一拓岸多淺沙。南有琅玕。白沙。黃蕉。白果。道士冠諸島。東南有上大陳。下大陳諸島。東有頭門。東箕。長嶼。田畧。大鵝冠。小鵝冠。川蕉。兩魚。北魚。塔諸島。北有彰化。南查。北查諸島。外沙。牛頭頸。南沙灣。小圓山各礮臺。分列南北。近口處。水受兩山東約。流力頗勁。水道因之而深。口內自城垣前上至葭芷鎮。水道深自三四拓至四五拓不等。自葭芷以上。水道分爲二支。一向西北至縣治。一向西南至黃巖縣。朝朝夕汐。舟楫之利甚溥。晚清時。海門有商船一百六十號。漁船二百二十號。北岸有商船五十餘號。漁船一千二百餘號。葭芷有漁船七十餘

### 臨海要覽

號。國家設總兵於此。專理防務。二十年來。輪舶盛行。北通滬甬。南達甌江。西抵臨黃。邑治光復後。改設鎮守使。水上警察各署。實台州全郡之門戶也。

### 形勢

臨邑負山瀕水。城鄉皆然。城西南臨大江。西北倚龍顧。東南巾峯高峙。大湖深瀦。表裏完固。不啻金湯。鄉則括蒼西鎖。關嶺北障。桐巖東阻。盤山南固。海門一口。爲衆水尾閘。尤爲地方之險要。元末。方國珍發難。遂據有慶元。永嘉諸郡。明倭寇犯浙。戚繼光在台剿逐。因而肅清。清初。鄭成功困守廈門。分兵來郡。守城副將馬信響應金陵。爲之震撼。近周永廣嘯聚西鄉。浙東不靖者。案年。雖云一隅。關係天下。不綦大歟。

### 名勝

臨邑名勝。多在東南鄉。城內巾子龍顧二山。城外東湖。亦著稱者也。巾子山在邑東南。兩峯高聳。狀如帽幘。上有南山殿。中天斗府。三元宮。巾峯寺。景德寺。兜

率寺等。巾峯寺最古。唐任翻有詩。南山殿之望江樓。景德寺之聽濤閣。尤爲勝絕。龍顧山一名大固山。在邑西北。高八十丈。周圍五里。晉隆安末。孫恩爲寇。刺史辛景於此繫塹守之。恩不能犯。上以八仙宮城隍廟稱最勝。東湖在崇和門外。廣不盈里。初爲船塢水軍營。宋熙寧四年。郡守錢暄始開爲湖。自此以降。屢有修葺。清康熙時。鮑守復泰。同治時。劉守璈尤有興廢之功。內有樵夫祠。樵雲閣。浣月亭。半勾亭。諸勝。東南鄉一帶。以白塔雲峯。蓋竹金熬。白楓及石新婦諸山。較爲幽勝。而蓋竹道書稱爲洞天福地。著稱尤古。此外洞壑奇者不鮮。大概雄奇靈闢。莫如仙巖。清高神異。莫如雨華。秀麗華貴。莫如武坑。俊逸文雅。莫如石鼓。所謂台南四大洞天也。至如芙蓉之幽折。靈壽之森嚴。金星之邃密。碧雲之清潔。瓊華之秀削。朝陽雙珠之聳特。黃石青雲之險怪。潮音蘸金之豁達。蓮花金蟾之輝媚。無不出奇獻狀。妙絕塵寰。信乎窮山海之瓌富。盡天人之壯麗矣。

臨海要覽

四

杭州武林印書館代印

古蹟

齊景牛山之悲。羊祜岘首之嘆。志古蹟之權輿也。臨邑晉唐以來。名賢遺蹟。不可殫數。大概東北鄉及巾山北山之麓。尤爲特多。曹助之松隱南園。蔡向陳耆卿之宅。鄭華讀書之廬。鄧棟之澄園。洪頤煊之小停雲山館。皆傍巾山者也。秦魯國長公主第。錢端禮松窗。王卿月玉寒堂。郭仲荀之寓廬。洪适之分繡閣。秦鳴雷之倚雲樓。楊文之楊園。陳函輝之誰園。皆傍北山者也。呂頤浩退老堂。賀允中小鑑湖。陳廣壽東巖堂。鹿何見一堂。謝深甫袞繡里。王士性白鷗莊。皆在東郊者也。林景思雪巢。陳貽範慶善樓。潘幾道杲亭。林師點浮岡別業。丁世雄松山林壑。陶凱孝友堂。包應麟東園。洪若臯東壁園。朱溶石園。郭協寅靈溪山館。皆在西北郊者也。而鄭戶曹巷。綦內翰巷。陳節孝巷。陳公輔宅。張師正溪風亭。蔡雲程讀書樓。馮甦知還堂。宋世華紅杏軒。雖非傍山。皆不離東城一隅。惟赤蘭橋。牡蠣灘。綠漪堂。則僻處海鄉耳。

鄉都

黃帝畫野。都邑始分。唐十道圖。凡州縣皆置鄉里。其制以百戶為里。五里為鄉。郭內為坊。郊外為村。宋神宗行保甲。鄉各有都。都各有保。明洪武中。遣官疆理天下。乃去保立都圖。晚清預備立憲。倣日本別畫為區。然積習相沿。大都仍明之舊。攷康熙台州府志。臨海城內坊凡十九。鄉十五。都六十九。而巷里圖則分屬焉。茲特舉坊鄉名稱表如下。

(各坊名)

積慶

平樂

廣文

青雲

美德

承德

會通

寶華

萃英

迎春

壽台

仁義

三台

文錦

均在城西南

悟真

順政

清河

奉仙

永寧

安樂

(各鄉名)

大固

清化

于公

承恩

安樂

延壽

重輝

縣東

保樂

長樂

逐仁

明化

義誠

太平

興

國

靜安

縣以上均在西北

臨海要覽

五

杭州武林印書館代印

市鎮

臨邑僻處海嶠。商業凋敝。在昔稱市集者。城內僅大街頭市。小街頭市。炭行街市。稅務街市。西市。東市。在內鄉間則栢溪市。在縣東二十里開石市。在縣東二十五里大田市。在縣東三十里絢珠市。在縣東四十里東陸市。在縣東十五里溪口市。在縣東八十里章安市。在縣東南一百三十里嚴嶼街市。在縣南七十里烏巖市。在縣南一百里路口市。在縣西二十里更樓下市。在縣西二十里小嶺市。在縣西三十里張家渡市。在縣西二十里黃泥墩市。在縣西三十里白水洋市。在縣西五十里大石市。在縣西五十里前市。在縣西五十里而已。近海禁太開。賈估懋遷。北達津沽。南通甌粵。東涉扶桑。西馳楚漢。滬杭甯甬。捷若戶庭。治城海口。皆成商市。卽窮鄉僻壤。販夫鬻卒。亦絡繹不絕。惜乎進口貨多。出口貨少。開源節流。亟須加之意焉。

道路

臨海為台首邑。使客往來。靡有甯晷。宋密邇輦轂。驛舖之設。不下三十。清初稍有廢興。東路為舖六。府前三峰西山南路為舖四。東門岐藍界橋西路北路各

爲舖五。松山三江小嶺常峯白水洋屬西路近概廢不用。所可述者。幹路支路

耳。東門幹路三。一自迎春亭東北行至十八肩嶺。與甯海縣界。方家弄至東溪

嶺。洞橋村至寧和嶺。康谷至泗洲嶺。皆支路也。一自瞭倭山西麓正東行至牛

頭門宮。與東海界。林浹橋至山根橋。嶺脚堂至盈市村。張畧村至田畚。上潘嶺

至長春塘開。芝畧村至毛洋嶺。漁西嶺至武曲嶺。皆枝路也。一自前灣山東麓

東南行至青塘嘴。與東海界。水晶堂至上葛村。朝西屋村至金櫻墩村。皆枝路

也。興善門幹路一。自中津橋至沙蠟殿。與黃巖縣界。黃巖橋至新嶺。蓋竹嶺至

界牌嶺。倒牌坊村至戊鋪嶺。洋畧嶺至外王村。皆枝路也。西門朝天幹路亦三。

一自上津浮橋正西行至界嶺。與仙居縣界。羊肚村至山岡頭。店溪村至前嶺。

皆枝路也。一自新路廊西行至杜潭嶺。與天台縣界。三江渡至埠頭朱村。枝路

也。一自雙港市至界嶺村。河頭至楓樹嶺。枝路也。此外下門請越之幹路。僅謝

公開至路口村數里。南門鐵市則東行五分併入興善門外幹路。北行一里併

臨海要覽 六 杭州武林印書館代印

入西門外幹路矣。自電汽盛行。穉穢負笈懋遷者流。多舍陸從舟。陸路不過供樵夫野老馳驅耳。

田賦

臨邑西北多山。東南稍利佃漁。康熙台州府志。載原額田六千五百八十八頃一畝三分零。實五千一百五十七頃八畝二分零。原額地一千九百九十一頃四十六畝零。實一千二百七十八頃六十九畝八分零。原額山二千二百五十一頃八十六畝六分零。實一千六百五十四頃七十七畝二分零。此外蕩田蕩地蕩塘湖塘之屬。皆不過百數十頃耳。丁漕合計。丁銀凡三萬六千三百七十一兩九錢五分零。漕米凡一萬一百一十四石四斗七升零。光宣之間。科則稍更。收入較裕。計其款目。地漕米折寔征四萬八千六百元。南米實征九千六百元。糧捐九千八百四十元。秤餘二萬七千八百二十元。耗餉四千一百五十三元。存留六千九百元。契稅一千五百元。總數凡十萬八千三百九十九元。改政

以還。正稅以外。加收附捐。民人負擔。益苦不支。丁漕可得而攷者。丁額征四萬六百零六兩四錢九分。應征三萬二千一百三十六兩。漕額征八千三百五十四石五斗九升四合。應征六千六百八十五石。而衛所屯糧銀六千六百五十四兩四錢八分五厘。此係額征。應征祇銀五千二百零六兩。亦歸縣知事兼理焉。

釐稅

臨邑正賦以外。魚鹽二項。夙為歲入大宗。魚捐由漁團局主之。年可得銀五千餘元。鹽捐由鹽厘局主之。年可得課稅銀一千餘兩。此係康熙時征數。清咸豐時。兵餉孔殷。當道議抽厘金。設局立卡。嚴行搜括。鴉片一物。年至征得四萬餘元。光復以後。改辦統捐。烟酒茶糖。莫不有局。酒捐局征收。年達三萬四千六百三十七元。烟年達三千五百一十元。茶年達二千九百六十三元。百貨年達五萬九千一百九十六元。烟茶百貨各捐皆由海門統捐局征收。房捐年達一千八百元。此外牌照牙帖印花契據牲畜各稅。為數尙復不少。總之賦歛繁苛。無裨國計。適

臨海要覽

足阻貿易之自由。損一般之生計耳。謀國者欲求相當之稅源。望於根本上解決可焉。

物產

臨邑倚山瀕海。動植礦各物。靡不具備。動物特著者。鳥有鬼車。一名飛生鳥。俗呼九頭鳥。獸有鮫鯉。俗名穿山甲。魚有石首。俗名黃魚。鰮魴。俗有三鰮。魴之稱。銀江。俗稱鱸苗。靈帶。俗稱帶魚。結千植物則桑柘。產水木。產最佳。茶。產延岑山。麻鶯粟茯苓毛朮楊梅楊桃。海異物。均見臨方竹薑。見本草。芋芝蘭枳椇。見吳棗。茉莉松樟。礦物則金礦鐵礦鐵沙。產河無烟煤。黃銅。產東鄉。並有名於時。惜人皆默守舊法。樹畜理化之學。不知講求。以致貨棄於地。利權坐失。後之經營實業者。曷其加之意焉。

工業

臨邑俗尚樸。奇。惟台絹台縐著稱於世。產西鄉更樓。宋元時常以作畫。後創雙經紅邊。銷行益廣。又有拷絹。黑。於炎暑。產殿

前者佳。鯨產於沿海一帶。製石首魚成之。品有三。曰早夏。伏鯨。秋釣。早夏者。未至伏所製也。其翅交不過頭。味鹹而韌。無香。過伏者。爲秋釣。漁人用釣得漁。不更用網。鯨大而片甚薄。翅散而不交。食之無味。煮亦不爛。惟伏鯨正在伏內。晒成。兩翅相交過頭。其魚甚肥。脂多而色不變。以爲羹。清白而香味之甘淡。益人神氣。此全謝山袁簡齋所以深尚之也。此外製造之品。宋時所鑄之小雷紋花銅器。元時黃祖齡仲修之松煙墨。皆佳。餘若柏油。若鹽。若酒。若錠。若紙。若網等。概因陋就簡。不足稱述。近雖設立水產學校。習藝所。講求新法。然成功者少。安足制東西之舶來哉。

### 珍寶

臨邑書畫金石之富。當推洪氏小停雲山館。宋氏紅杏軒。潘氏三之齋。葉氏陰玉閣。四家。而嶺外錢氏所藏鐵券。銅塔。銅鼎。銅餅。尤堪珍寶。塔高六寸。重三五兩。內鐫一十八字。鼎重二十一兩。四面有紋。分上中下層。中用釘植無底。下

### 臨海要覽

八

杭州武林印書館代印

層安三索紐并三足餅。重二十八觔。高及几兩。旁有繡龍耳。貫以環四。圍皆蟬翼紋。底有東澗二篆字。券形如瓦。重百三十二兩。廣尺有一寸。修尺有八寸三分。厚一分。其文以黃金填之。共二十五行。行十四字。後九行漫漶大半。蓋昭宗賜彭城郡王錢璆者。宋時王之孫暄知台州。因居於台。宋元之際。失而復得。明清間。世守此券。近遺苗式微。不知什襲。爲越郡長樂錢氏所得。所留遺者。聞僅一舊櫃耳。此外天寧寺鐘。白塔寺觀音。王總管祠。舊亦有二寶之稱。今亦皆不可踪跡矣。

### 學校

臨邑有學。始於宋。學有官。專司文教。後因教職浸怠。書院以興。其設立有官私

二種。官設者。如宋之上蔡書院。王魯齋嘗講學於此。明之赤城書院。明知府周志偉。四知。

記有。敷教小學。明羅守。龍映小學。李守。龍顧小學。許守。清之近聖書院。康熙五

郡守張三台書院。同治時郡私設者。如元柯醜之鑑溪書院。明陳檢討璣之白



寓賢

君子所過者化。轍迹之所至。風氣之所關。臨邑山水窟宅。服官敷政而外。或游學。或避地。往往遂長子孫。而變風俗。志乘所載。可得而攷者。三國有陳化。晉有賀循。李廞。江適。許詢。孔愉。梁有王元規。唐有顧况。任翻。莫彥修。宋有陳瓊。石公弼。豐稷。曾肇。呂頤浩。綦崇禮。范宗尹。李顯忠。錢忱。錢端禮。李龜朋。謝克念。郭仲荀。李擢。胡世將。陳與義。翟汝文。賀允中。張師正。蔡向。盧知原。姜詵。米敦儒。馮安國。林同。王之望。林憲章。范開。王柏。楊棟。元有史義卿。達。普化。明有東湖樵夫。沈履祥。李唐禧。張廷綬。孫鼎徵。王光承。清有余煜。傅廷標。張廷俊。後先接踵。萃集一隅。讀是編者。可以思他山之助焉。

孝義

臨邑風教。自古稱美。吳晉時。荒域初闢。屈尚書晃。任徵君旭。卽以忠盡清節名。隋唐崇尚釋老。玄學之士。先後輩出。實則皆有高世之姿也。宋宣和中。呂師囊

臨海要覽

十

杭州武林印書館代印

寇郡。江仲明負母逃山澗中。遇寇東城。不屈而死。隆興時。秦檜柄國。陳獻肅良翰。直詞正色。經營北向。大節凜然。迨朱子賑荒浙東。益以正學陶淑台郡。而士之從其遊者。彬彬稱盛。幾乎鄒魯。宋亡。士民匿跡殉身。比比皆是。著者如張哲齋。王叔寶。名陳天瑞。謝仲舉。鄭良顯。錢國熹。國勛兄弟。哲齋。叔寶。國勛。以身殉天瑞。仲舉。良顯。國熹。以隱終。而哲齋。結約文山。檄取明州。叔寶。聯合碧樓。陳仁堅壁自守。尤皆有志恢復者也。元時異族入主。明達之輩。仍恥食祿。宋得仁嗣壽。以菊隱。林顯之。茂濬。以琴隱。鄭君瑞。德隣。以黃老隱。張務光。明卿。以書畫隱。方德明。鄭蒙泉。以山水隱。其憂時憤世之概。則大抵多托之於詩。明洪建間。孝義蔚起。視前尤盛。危貞。叻。乞代父役。中途病亡。地義天經。足弁一代。靖難之變。林貞。穆。右。鄭貞。壯。華。東湖忠逸先生。同時就義。葉惠。仲。見。恭。旋亦以所修實錄。語多指斥。被逮見殺。台山氣節。豈但縑城一隅已哉。泊乎有明。社屋。縉紳。竄匿山谷。慟哭郊壟者。亦往往而有。陳木叔。函。輝。翁。德。甫。明。英。金。鶴。池。維。寧。並以

文章之士。倡義勤王。木叔投環蹈水。死事尤烈。其餘若馬明岩。馮醒園。詰董  
一。嗣純。嗣奇。十昆季。或被髮佯狂。或悲歌慷慨。高風亮節。亦足多焉。有清以來。  
法網嚴密。鼓噪一案。謫戍諸士。類能銳志詩文。節操之堅。可以想見。洪楊之役。  
東南糜爛。邑人守望相助。數月之間。秩序盡復。今雖禮教浸衰。風俗陵替。而一  
二明達之士。尚知見義勇爲。果能擴而充之。安見今之不古若哉。

### 仕績

臨邑官業。吳尙書屈晃。始聞於世。北宋陳貽範。通判處州。道不拾遺。陳公輔。協  
贊殿廷。論事剴切。皆不愧名宦。高宗南渡。建都臨安。台爲輔郡。自此登科第。歷  
顯宦者。連鑣繼轍。史不絕書。著者如陳獻甫。良翰。陳文簡。驥。王奉議。衡。周主簿。  
泊。王府卿。卿月。商侍郎。飛卿。謝惠正。深甫。錢丞相。象祖。類能不畏權貴。敢諫直  
言。而惠正能於國威墜地之時。命金使肅儀再朝。尤足爲國際交涉之光。元時。  
陳侍制。孚。隨使安南。陳世子日燾。陰懷不庭。侍制致書詰責。卒使出郊迎詔。此

### 臨海要覽

### 十一

杭州武林印書館代印

又足與惠正競美齊稱矣。明以還。勛名益盛。陶尙書。凱。經。文。緯。武。爲國元勛。賀  
侍郎。銀。息。兵。撫。衆。闔。郡。全。活。實。一。代。之。首。也。此外陳布政。員。縉。蔣。僉。事。頤。善。決  
獄。陳。恭。愨。選。金。提。學。賁。亨。趙。參。政。淵。善。造。士。侯。通。政。潤。侯。布。政。臣。余。郎。中。寬。葉  
參。事。忠。項。員。外。復。宏。王。太。僕。士。性。王。給。事。亮。王。中。丞。士。昌。王。御。史。萬。祚。善。抗。言。  
余。御。史。鐵。陳。都。憲。世。良。蔡。方。伯。潮。何。尙。書。寬。王。襄。裕。宗。沐。善。別。奸。興。利。戴。光。祿  
德。孺。蔡。司。寇。雲。程。項。廉。使。思。教。王。中。丞。士。琦。善。料。敵。制。勝。至。秦。參。政。文。秦。編。修  
鳴。夏。秦。宗。伯。鳴。雷。金。侍。郎。立。敬。應。主。事。明。德。周。按。察。頌。其。守。正。不。阿。見。義。勇。爲。  
亦。各。有。足。多。要。之。恭。愨。襄。裕。尤。赫。赫。者。也。有。清。入。主。胡。奴。隳。虜。布。滿。中。原。邑。里  
冠。裳。因。而。衰。謝。所。傳。爲。碩。果。者。順。康。時。有。馮。侍。郎。應。以。省。刑。薄。稅。稱。洪。按。察。若  
皋。以。理。財。折。獄。聞。何。大。令。紘。度。以。秉。公。守。正。著。馮。郎。中。永。年。以。興。利。除。弊。名。乾  
嘉。時。秦。錫。淳。黃。河。清。朱。溶。洪。復。煊。蔣。履。宋。世。舉。諸。大。令。出。宰。百。里。亦。皆。有。龍。黃  
風。而。徵。園。朱僻。處。南。粵。安。內。攘。外。觸。瘴。以。死。可。惜。尤。甚。道。成。以。降。武。科。稍。盛。丁

卯全台十五人乙丑全台中四人尤爲美談。然佩虎符握戎樞者仍不多覩。近雖仕運日亨。人材漸起。文章道德尙遠不逮前賢。有志濟世者。望共勉旃。

### 經學

臨邑士尙樸學。宋元以來。通經者不下百餘人。治四子者最多。易次之。禮與書再次之。春秋小學孝經又次之。詩與樂較鮮。兼治羣經者亦不乏焉。易有著作者。如唐王遠知。宋朱玠。商飛卿。賀一正。董楷。明秦謙。清秦欽亮。汪度。葛晚園。何炳麟。書則何映潢。詩則趙鶴占。禮則宋應武。清沈榕。金鶚。林際金。春秋則宋石公孺。明馮良亨。蔣承勛。張辰昌。蔣典學。清黃育。孝經則明項霽。陳炫。陳三槐。清戴慶華。葉維藩。四子則宋陳耆卿。金遵正。梁志道。元林處恭。明陳燧。戴謙。謝銓。清包與。何紘度。何文銓。陳儀蘇。李夢熊。金名庚。林峯。江豫。何其饒。柯廷銓。樂則宋姜仲謙。清沈光邦。小學則元秦不華。清斫如山。金銘之。尤瑩。兼治羣經者。宋則蔣至。張布。潘時舉。元則陳宗儒。明則陶凱。秦汧。秦樓。清則陳明瑄。單煜。沈河。

### 臨海要覽

十一

杭州武林印書館代印

斗。此外又有研究數經。各有成書者。如宋石鑿則治易學。庸。葉皆則治易禮。周敬孫則治易書詩春秋。戴亨則治易書。楊明復則治易書禮。王滋則治書論語。陳騷則治書禮。董樸則治書及四書。徐韶則治禮春秋。明金賁亨則治易書學。庸。陳錫則治易書詩春秋。朱右則治書禮春秋小學。侯潤則治書詩。陳選則治禮孝經。清洪若皋則治禮春秋小學。洪頤煊則治書禮孝經小學。宋世舉。洪震煊。頤煊。金鶚。汪度。諸書爲可傳。其餘宋明諸作。雖多善本。惜乎散失湮沒。不可得而見矣。

### 史學

臨邑史部著作。大概關係鄉邦文獻爲多。而擣筆殿庭。劬心編訂者。歷代亦不乏其人。攷之載籍。宋時若陳騷。陳貽範。陳耆卿。林表民。陳克。謝深甫。錢端禮。胡太初。謝堂。元時若楊敬德。楊大中。明時若陶凱。朱右。陳紀。王宗沐。葉惠仲。王洙。

將承勛。高執。余養蒙。金賁亨。陳洛範。陳三槐。吳珏。盧守仁。任稜。周玉。王士性。秦鳴夏。馮學易。馬謙。清時若馮甦。葉臣遇。洪若皋。何衡。何柏章。陳璜。葉崇震。秦錫淳。秦沂。秦樓。宋世舉。馮廣雪。郭協寅。洪熙績。洪頤煊。洪蒙煊。黃河清。陳春暉。程霖。洪應封。洪瞻墉。彭穎。黃育。汪度。洪瞻陞。洪承澤。阮肇元。陳滋。黃瑞。何炳麟。葛詠裳。葉書。雖存佚不一。而宋陳氏明王氏清洪氏諸書。多卓然可傳。外此則謝深甫。錢端禮。胡太初。金賁亨。馮學易。馬謙。馮甦。何柏章。宋世舉。黃瑞之作。亦皆精善。它則無論已。

### 道學

臨邑爲古荒服。孫吳時二三君子。始以幽操貞忠。聞晉唐以來。節概文章之士。亦斑斑見諸典籍。而未有所謂聖賢之學。逮宋治平宣和間。二徐先生及陳忠正。貽範。始傳安定胡氏之學。嗣是石克齋。趙判府。師鄭。潘典教。時舉。林叔恭。恪。謝氏。敷經。范氏。峇。皆與晦菴交遊。宋景濂所謂晦翁傳道江南。而台特盛也。

### 臨海要覽

十三

杭州武林印書館代印

謝采伯師事晦菴高第李方子。周繹齋師事晦菴高第黃直卿。周敬孫。陳天瑞。楊珏。楊琦。朱致中。薛嵩平。張達善。師事王魯齋。則皆得朱子再傳之學者也。至如戴蠢翁。亨。楊浦城。明復。董克齋。楷。雖未及晦菴魯齋之門。而其學無非晦翁及魯齋遺矩。元時異族入主。士多高蹈。而周本心。仁榮。師事陳瑞。楊珏。兼承家學。得魯齋之再傳。周紫岩。潤。祖。受業本心。兼承大父繹齋之教學。亦遠有端緒。有明以降。致中之孫右。出兩峯。陳氏五峯。李氏之門。淵源亦遠。葉文廷文趙文雖以文稱。並獲交遜志。陳提學燧。挂冠講學。白雲門下。一時稱盛。著者如侯通政潤。與弟方伯臣。陳方伯員。縉與子恭。懋選。皆能得其緒餘。正嘉間。姚江學說。風靡天下。戴布政德孺。獲其稱許。趙參政淵。金提學賁亨。及子侍郎立敬。所言亦皆與相近。林知州元叙。及其弟同知元倫。則姚江之弟子也。王襄裕宗沐。師事歐陽南陽。則姚江之再傳也。清三百年間。洪惕庵。熙揆。游陸當湖之門。何紘度。戴慶華。洪承澤。何鍾麟輩。亦有志程朱。惜乎篤信有餘。宏毅不及。

皆不能發揮而光大也。鄉邑後生望其急起疾追焉可。

### 宗教

臨邑接壤天台。羽士緇流。自古稱盛。漢晉之際。徐公懷玉。爲邑人信仰釋道之祖。隋唐以降。灌頂智瓌。受業智者。得台教真傳。王遠知。朱霄外。察隱知微。爲道門領袖。宋時張伯端。戒闍黎。處咸了然。道濟法濟。元時行端。明時宗泐。無愠清澹。清欲妙淨。文翰湛明。清時宣印。了鼎超復。超奇元潤。正解明通。圓松明涵。法正妙陰。寶善定含。或具妙慧。富有禪藻。或悟真詮。著有異蹟。而張伯端悟真青華金丹各篇。宗泐楞伽金剛心經各注。尤爲二氏藏典之寶書。二十年來。泰西耶蘇天主基督各教。集衆開堂。惑我鄉民。講求風教者。曷其就吾固有發揮而光大之。

### 諸子

臨邑諸子之學。儒釋二家尙矣。此外惟術數天算之學。頗能成一家言。藝術稍

稍足稱醫家說家者流。著者鮮矣。術數發達最古。吳越時釋德韶地鈴書。是其濫觴。迄明周景一撰山洋指迷。秦鳴夏撰子平管見。學者宗之。有清以降。洪枬秦珽。秦錫淳。柯廷銓。葉薰。金銘之。董煒等。或精堪輿。或諳星卜。或究陰陽五行。各有著述。傳垂於後。天算發達雖遲。而嘉道以來。若周治平。啓豐。董毓琦。子珊。周邨。黍香。李瓊。琅卿。類能妙契。元代精研化本。以醫名者。僅明黃恕。王良明二家。清則洪瞻陛等。雖有撰著。未爲精要。以藝名者。繪事推張明卿。傅濂。陳一鶴。李藻。書推李歐。周仁榮。行端。宗泐。郭應奎。彭際炎。篆刻推宋經畬。黃瑞。琴推林茂濬。賞鑒推洪頤煊。及其子瞻墉。而泰不華。鄭兆甲。蔣履。董方壘。書畫兼擅。謝堂善竹石松蘭。又精賞鑒。至王卿月兼解琴奕。卜筮音律射醫書畫金石。陳錫博。通天官堪輿醫卜星相陰陽。尤爲古今藝林之弁冕焉。此外唐任翻。羅虬。宋謝采伯。吳子良。元楊大中。明高紱。秦鳴雷。賀賓虞。清陳璜。潘震雷。張秉甄。葉舟。李夢熊。王克恭。所著雖未足名家。而寸長一得。不無可取焉。

文學

臨邑文家。以後漢虞翔為先河。至宋陳氏臨邑昆季始有專集。陳侍郎公輔。朱少卿斐繼之。文風漸盛。南渡以後。陳獻甫良翰。陳文簡駉。鹿秘閣何周主簿。洎王府卿卿月。並號能文。而遺書零落。存者蓋寡。嘉定間。陳耆卿吳子良王象祖。執贄水心葉適。文章義法。盡得其傳。陳氏尤為水心所推許。謂其馳驟羣言。特立新意。建安元祐恍然再覩。後金華王魯齋主講上蔡。從游之士。陳天端楊琦。兼以文稱。董正翁楷。潛心義理。文亦可觀。外此若李庚錢端禮謝深甫關嶠。林師箴鹿昌運王詮梁至道金遵正錢應孫尙時。亦有集者也。今並散亡。元之世。楊仲禮敬德。張務光明卿。陳夷白基。文名均籍甚。務光更以政事名。明初。朱白雲右。陶中立凱。並與史事。白雲所編輯柳歐曾王蘇六先生集。實八家之目所始。未幾。林公輔右。張古學廷璧。趙伯欽文象。葉夷仲惠仲兄弟。獲交遜志。類多載道之文。永宣以降。勛名接踵。文質彬彬。著者如陳逸庵錢陳勿齋員籍。及

臨海要覽

其子恭愍選。從孫青嶼世良。候省庵澗及其弟仲勛。臣秦蘭軒文。及從子白崖。鳴夏。華峯。鳴雷。蔡霞。山湖。及其子鶴田。雲程。金一所。賁亨。及其子存庵。立敬。葉山南。忠。王石梁。度。及其子伯祚。允東。王襄裕。宗沐。及其子永叔。士昌。從子恒叔。士性。何文峯。寵。及其弟宜山。寬。項立庵。思教。及其子任寰。復宏。王樓峯。亮。王二固。萬祚。周仲美。頌。陳忠節。函輝。大概逸庵。勿齋。恭愍一所。存庵之文。詳于義理。青嶼。山南。永叔。樓峯。二固。仲美。二候之文。多鯁直。蔡氏父子所作。修潔從容。不失先正矩矱。華峯。恒叔。忠節。文筆縱橫。饒有奇逸之氣。蘭軒。白崖。石梁。二何。二項。端恪凝重。古意盎然。而襄裕。兼得陽剛陰柔之美。尤為一代弁冕焉。清順康時。洪僉事若皋。文以雅健勝。馮侍郎甦。以古潔勝。戴明經慶華。以豪邁勝。葉臣遇。何紘。度。陳璜。馬鎮。張秉甄。陳祖澤。張人綱。雖有時譽。實未成家。雍乾間。沈光邦。候嘉。絳。秦錫淳。與天台。齊。召南。稱四大家。不及遠甚。稍後。黃河清。宋世榮。出醇雅典麗。各極其長。一時講駢體者。悉推宋矣。嘉慶以還。洪氏三子。均